

GrCF2 W2 (ԿՔ 2) – Երևանի ավտոբուսների ծրագիր

Երկիր՝ ՀԱՅԱՍՏԱՆ

Ծրագրի համարը՝ 51749

Բիզնես ոլորտ՝ Ենթակառուցվածքներ Եվրասիայում

Պետական/մասնավոր՝ Պետական

Բնապահպանական կատեգորիա՝ Բ

Խորհրդի նիստի նախատեսված ամսաթիվը՝ 2020թ. հոկտեմբերի 13-ը

Կարգավիճակը՝ Հայեցակարգն ուսումնասիրվել է

Ծրագրի ամփոփ փաստաթղթի հրապարակման ամսաթիվը՝ 17 փետրվար 2020

Ծրագրի նկարագրությունը

Մինչև 25 միլիոն եվրո սուվերեն վարկ Հայաստանի Հանրապետությանը՝ ի շահ Երևան քաղաքի («Քաղաքապետարան») և տրանսպորտի մունիցիպալ ընկերությանը («Ընկերություն»), որը կստեղծվի Երևանում ավտոբուսների ցանցը շահագործելու նպատակով: Ծրագրի միջոցներով կֆինանսավորվի նոր, ժամանակակից, 12 մետր երկարությամբ, ցածր հատակով, սեղմված բնական գազով («ՄԲԳ») աշխատող ավտոբուսների գնումը:

Ծրագրի նպատակները

Այս ծրագիրը ավելի լայնածավալ ծրագրի մի մաս է, որի նպատակն է օժանդակել քաղաքապետարանին՝ իր հասարակական տրանսպորտի համակարգը վերափոխելու գործընթացում՝ ֆինանսավորելով ավտոբուսների պարկի նորացումը ավտոբուսների ցանցը վերակառուցելու ակնկալիքով:

Ծրագրի արդյունքում կբարելավվի հանրային տրանսպորտի հուսալիությունը, անվտանգությունն ու արդյունավետությունը, մինչդեռ ՄԲԳ տեխնոլոգիան կնվազեցնի քաղաքային տրանսպորտից առաջացող օդի աղտոտվածությունը, ինչը համահունչ է Բանկի «Կանաչ քաղաքներ» շրջանակին և «Կանաչ քաղաք» գործողությունների ծրագրին, որը հաստատվել է Երևանի քաղաքապետարանի կողմից 2017 թվականին:

Անցումային ադդեցություն

Ծրագիրը «Կանաչ քաղաքներ 2»-ի («ԿՔ 2») մաս է կազմում և իրենից ներկայացնում է հետագա ներդրում Երևանի «Կանաչ քաղաք» գործողությունների ծրագրում («ԿՔԳԾ»):

ԿՔ 2-ի առաջնային նպատակն է. ապահովել շրջակա միջավայրի էական բարելավում և համապատասխան քաղաքներում խթանել դեպի «կանաչ քաղաք» անցումը: ԿՔ 2-ը նաև նպատակ ունի ստեղծել համապատասխան կարողություններ և նպաստել

համապատասխան քաղաքներում տարբեր շահագրգիռ կողմերի միջև ավելի լավ համակարգմանն ու որոշումների սատարմանը՝ նպատակային ներդրումների և նախաձեռնությունների կառավարման որակի, շահագործման արդյունավետության և ֆինանսական կայունության բարելավման նպատակով: Այս նպատակներին աջակցում է Երևանի ԿՔԳԾ-ի մշակումն ու իրականացումը՝ հայտնաբերելով և առաջնահերթություն տալով բնապահպանական մարտահրավերներին և դրանց լուծման ուղիներին՝ նպատակային ներդրումների, ծառայությունների և քաղաքականության գործիքների միջոցով: Բանկը նաև կձգտի տրամադրել քաղաքականության վերաբերյալ ավելի հզոր խորհրդատվություն՝ հիմնվելով քաղված դասերի, նպատակային ուսումնասիրությունների և տեխնիկական աջակցության վրա: Ծրագիրը կնպաստի դեպի կանաչ քաղաք անցման որակի բարձրացմանը՝ նվազեցնելով քաղաքային տրանսպորտի ազդեցությունը շրջակա միջավայրի վրա և խրախուսելով անցումը դեպի հասարակական տրանսպորտի համակարգի օգտագործում:

Ընդհանուր անցումային ազդեցությունը բխելու է ծրագրի «կանաչ» և «լավ կառավարվող» հատկություններից:

Հաճախորդը

ՀՀ պետություն

Հայաստանի հանրապետությունը ներկայացնում է Ֆինանսների նախարարությունը: Ծրագիրն իրականացվելու է Քաղաքապետարանի և Ընկերության կողմից:

ՎՋԵԲ-ի կողմից տրամադրվող ֆինանսավորում

25,000,000.00 եվրո

25 միլիոն եվրո սուվերեն վարկ Հայաստանի Հանրապետությանը:

Ծրագրի ընդհանուր գումարը

25,000,000.00 եվրո

Ծրագրի ընդհանուր գումարը կազմում է 25 միլիոն եվրո:

Ծրագիրը կօգտվի նաև տեխնիկական աջակցությունից, որը տրամադրվելու է ծրագրի պատրաստմանն ու իրականացմանը աջակցելու նպատակով:

Բնապահպանական և սոցիալական ազդեցության ամփոփ նկարագիր

Ծրագիրը դասվել է Բ կատեգորիայի, ըստ 2019 թվականի Բնապահպանական և սոցիալական քաղաքականության: Ներկայիս քաղաքային տրանսպորտի պարկի փոխարինումը ՄԲԳ-ով աշխատող նոր ավտոբուսներով բարենպաստ բնապահպանական և սոցիալական ազդեցություններ կունենա: Բնապահպանական և սոցիալական հիմնական ազդեցությունները/ռիսկերը, որոնք հարկավոր է հաշվի առնել, ներառում են առողջապահական և անվտանգության հարցերի ընդհանուր կառավարում,

ինչպես նաև կատարողականի, աշխատանքի, առողջության և անվտանգության համապատասխան հարցերը, ճանապարհային անվտանգության պրակտիկան և չափանիշները: Բնապահպանական և սոցիալական (ԲՄ) տնտեսատեխնիկական ուսումնասիրությունը կիրականացվի անկախ խորհրդատուի կողմից և կներառի տեղայն՝ ուսումնասիրելու Հաճախորդի առկա կառավարման համակարգերը, օբյեկտները և գործառնությունները: Հատուկ ուշադրություն կդարձվի տեխսպասարկման առկա դեպոներին և արհեստանոցներին, լցակայաններին, աշխատանքային պրակտիկային, ճանապարհային անվտանգությանը և վարորդների վերապատրաստմանը: Ծրագրի ամփոփ փաստաթուղթը կթարմացվի Բնապահպանական և սոցիալական տնտեսատեխնիկական ուսումնասիրության ավարտից հետո:

Տեխնիկական աջակցություն

Ծրագրի ստորագրմանը նախորդող տեխնիկական աջակցությունը («ՏԱ») կներառի տեխնիկական, ֆինանսական, բնապահպանական և սոցիալական տնտեսատեխնիկական ուսումնասիրություն, իսկ ստորագրմանը հաջորդող ՏԱ-ն կներառի օժանդակություն Քաղաքապետարանին և Կորպորատիվ զարգացման ծրագրեր: Տեխնիկական աջակցության առաջադրանքների ընդհանուր գնահատված արժեքը կազմում է մինչև 1,1 միլիոն եվրո:

Առավելությունները

ՎՁԵԲ-ն առաջարկում է ֆինանսավորում, որը շուկայում մատչելի չէ առևտրային աղբյուրներից ողջամիտ ժամկետներով և պայմաններով, օրինակ՝ վարկի մարման արտոնյալ ժամկետ, սահմանափակ արտարժույթով ֆինանսավորում և այլն: Նման ֆինանսավորումը անհրաժեշտ է սույն ծրագրի կառուցվածքի համար:

Հաճախորդը մտադրված է կիրառել ՎՁԵԲ-ի փորձառությունը՝ բնապահպանական ավելի բարձր ստանդարտների ներդրման, արտանետումների ռիսկերի մեղմացման, կլիմայի փոփոխություններին միտված միջոցների ձեռնարկման, ինչպես նաև գնումների միջազգային լավագույն ստանդարտների ուղղությամբ:

Հաճախորդի կոնտակտային տվյալները

Պարոն Հրաչյա Սարգսյան

Երևանի Քաղաքապետարան

Հայաստան, Երևան 0015, Արգիշտի փող. 1

Հեռ.՝ +37411514150,

Էլ-փոստ՝ newtransport@yerevan.am

Անցումային շրջանի ընկալումը

Այստեղ կարող եք լրացուցիչ տեղեկություններ գտնել առ այն, թե ինչ մոտեցումներ է կիրառում ՎՋԵԲ-ը անցումային շրջանում առաջընթացի վրա ազդեցությունը չափելու համար:

Բիզնես հնարավորություններ

Բիզնես հնարավորությունների համար դիմե՛ք հաճախորդի ընկերությանը:

ՎՋԵԲ-ի հետ կապված (գնումներին չառնչվող) բիզնես հնարավորությունների համար դիմե՛ք.

Հեռ.՝ +44 20 7338 7168

Էլ-փոստ՝ projectenquiries@ebrd.com

Պետական ոլորտում ծրագրերի համար տե՛ս [ՎՋԵԲ-ի Գնումներ](#)

Հեռ.՝ +44 20 7338 6794

Էլ-փոստ՝ procurement@ebrd.com

Ընդհանուր հարցումներ

Հատուկ հարցումներ կարող եք անել՝ օգտագործելով [ՎՋԵԲ-ի հարցումների ձևաթուղթը](#)

Բնապահպանական և սոցիալական քաղաքականություն (ԲՍՔ)

ԲՍՔ-ն և դրա հետ կապված՝ Կատարողականի նկատմամբ Պահանջները (ԿՊ-ներ) սահմանում է այն ուղիները, որոնց միջոցով ՎՋԵԲ-ն իրականացնում է իր հանձնառությունը՝ խթանելու «Էկոլոգիապես առողջ և կայուն զարգացումը»: ԲՍՔ-ն և ԿՊ-ները ընդգրկում են հատուկ դրույթներ, ըստ որոնց հաճախորդները պետք է համապատասխանեն հրապարակայնացման և խորհրդատվության մասին ազգային օրենքների կիրառվող պահանջներին, ինչպես նաև ստեղծեն բողոքարկման մեխանիզմ՝ շահագրգիռ կողմերի մտահոգությունները և բողոքները ստանալու և լուծումները դրույթացնելու նպատակով, մասնավորապես, հաճախորդի և ծրագրի կողմից բնապահպանական և սոցիալական հարցերի կատարողականի վերաբերյալ: Կախված ծրագրի բնապահպանական և սոցիալական ռիսկերի և ազդեցությունների բնույթից և մասշտաբից, ՎՋԵԲ-ը լրացուցիչ պահանջում է, որ իր հաճախորդները, անհրաժեշտության դեպքում, տեղեկություն հրապարակեն ծրագրից բխող ռիսկերի և ազդեցությունների վերաբերյալ կամ բովանդակալից խորհրդակցություններ անցկացնեն շահագրգիռ կողմերի հետ, դիտարկեն նրանց կարծիքներն ու արձագանքեն դրանց:

Այս կապակցությամբ ՎՋԵԲ-ի գործելակերպի վերաբերյալ ավելի մանրամասն տեղեկությունները ներկայացված են [ԲՍՔ-ում](#):

Բարեվարքություն և համապատասխանություն

ՎՋԵԲ-ի՝ Համապատասխանության վերահսկման գլխավոր տնօրենի գրասենյակը (ՀՎԳՏԳ) խթանում է լավ կառավարումը և ապահովում բարեվարքության բարձրագույն չափանիշների կիրառումը Բանկի գործունեության բոլոր ասպեկտներում՝ միջազգային լավագույն փորձի համաձայն: Բանկի բոլոր հաճախորդների վերաբերյալ իրականացվում է բարեվարքության պահանջներին համապատասխանության ստուգում-ուսումնասիրություն՝ համոզվելու, որ ծրագրերը չեն պարունակում Բանկի համար անընդունելի ռիսկեր բարեվարքության կամ հեղինակության առումով: Բանկի համոզմամբ, ծրագրի գնահատման և հաստատման փուլերում խնդիրների հայտնաբերումն ու լուծումը Բանկի գործարքների բարեվարքության ապահովման ամենաարդյունավետ միջոցներն են: ՀՎԳՏԳ-ն առանցքային դեր է կատարում պաշտպանիչ այս գործողություններում, ինչպես նաև օգնում է վերահսկել բարեվարքությանն առնչվող ռիսկերը ծրագրերի հետներդրումային փուլերում:

ՀՎԳՏԳ-ն նաև պատասխանատու է ՎՋԵԲ-ի կողմից ֆինանսավորվող ծրագրերում խարդախության, կոռուպցիայի և չարաշահման կապակցությամբ մեղադրանքների հետաքննության համար: Ցանկացած անձ, ինչպես Բանկի ներսում, այնպես էլ նրա սահմաններից դուրս, ով կասկածներ ունի, որ առկա են խարդախության կամ կոռուպցիայի դեպքեր, պետք է գրավոր զեկույց ներկայացնի Համապատասխանության վերահսկման գլխավոր տնօրենին էլ-փոստով՝ compliance@ebrd.com: Խնդիրների մասին բոլոր զեկույցները կքննվեն ՀՎԳՏԳ-ի կողմից՝ հետագա քայլերը որոշելու նպատակով: Քննվելու են բոլոր զեկույցները, այդ թվում՝ անանուն զեկույցները: Չեկույցները կարող եք ներկայացնել Բանկի կամ Բանկի գործունեության երկրների ցանկացած լեզվով: Տեղեկությունը տրամադրելիս անհրաժեշտ է բարեխղճորեն վարվել:

Տեղեկությունների հասանելիության քաղաքականություն (ՏՀՔ)

ՏՀՔ-ն սահմանում է, թե ինչպես է ՎՋԵԲ-ը հրապարակայնացնում տեղեկությունները և խորհրդակցում շահագրգիռ կողմերի հետ, որպեսզի նպաստի ՏՀՔ-ի ռազմավարությունների, քաղաքականությունների և գործառնությունների մասին ավելի լավ իրազեկմանն ու ընկալմանը 2020թ. հունվարի 1-ից ուժի մեջ մտնելուց հետո: Խնդրում ենք այցելել [Տեղեկությունների հասանելիության քաղաքականության](#) կայքէջը՝ պարզելու, թե ինչ տեղեկություններ կան ՎՋԵԲ-ի կայքում:

Տեղեկություններ ստանալու վերաբերյալ հատուկ հարցումները կարող եք ներկայացնել՝ օգտագործելով [ՎՋԵԲ-ի հարցումների ձևաթուղթը](#):

Ծրագրի բողոքարկման մեխանիզմ (ՕԲՄ)

Եթե Հաճախորդի կամ Բանկի հետ կապված բնապահպանական, սոցիալական կամ հրապարակայնության հետ կապված խնդիրների լուծմանն ուղղված ջանքերը (օրինակ՝ Հաճախորդի Ծրագրի մակարդակով բողոքարկման մեխանիզմի միջոցով, կամ Բանկի ղեկավարության անմիջական ներգրավման միջոցով) ձախողվում են, անհատներն ու

կազմակերպությունները կարող են դիմել ՎՋԵԲ-ի հաշվետվողականության մեխանիզմին՝ իրենց մտահոգող հարցերի լուծում ստանալու նպատակով:

Հաշվետվողականության մեխանիզմը անկախ եղանակով քննում է Ծրագրին առնչվող ան խնդիրները, որոնք, ենթադրաբար, վնաս են պատճառել (կամ հավանական է, որ վնաս կպատճառեն): Մեխանիզմի նպատակը հետևյալն է. աջակցել Ծրագրի շահագրգիռ կողմերի միջև երկխոսությանը՝ լուծելու բնապահպանական, սոցիալական և հրապարակայնության հետ կապված խնդիրները, պարզելու, արդյոք Բանկը համապատասխանել է իր իսկ՝

[Բնապահպանական և սոցիալական քաղաքականությանը](#) կամ կոնկրետ Ծրագրին վերաբերող [Տեղեկությունների հասանելիության քաղաքականության](#) դրույթներին և, անհրաժեշտության դեպքում, լուծելու այդ քաղաքականությանը չհամապատասխանելու ցանկացած խնդիր, միաժամանակ կանխելով Բանկի կողմից հետագա անհամապատասխանությունը:

Խնդրում ենք այցելել մեր կայքէջը՝ պարզելու, թե ինչպես կարող եք բողոք ներկայացնել՝ լրացնելով գաղտնի առցանց ձևաթուղթ, [էլ-փոստով](#), փոստով կամ հեռախոսով: Մենք պատրաստ ենք քննարկել Ձեր մտահոգությունները և պատասխանել Ձեր ցանկացած հարցին, որը վերաբերում է բողոքների ներկայացմանը կամ վարմանը: Բողոք ներկայացնող դիմումատուի ինքնությունը կարող ենք գաղտնի պահել, եթե այդպիսի պահանջ ներկայացվի:

Խնդրում ենք նկատի ունենալ, որ 2020թ.-ին մեխանիզմի նոր ղեկավար նշանակելուց հետո ուժի մեջ կմտնեն [Ծրագրի հաշվետվողականության քաղաքականության](#) և [Ուղեցույցի](#) վերանայված տարբերակները՝ դեպքերի քննության վերաբերյալ ուղղություններ սորամադրելու նպատակով: